



XALQ DEPUTATLARI BULUNG'UR TUMAN KENGASHINING QARORI

27 - aprel 2021-yil

178/30 -son

Bulung'ur tumanida tadbirkorlikni rivojlantirish, qo'shimcha ish o'rinlarini yaratish va budjetga tushumlarni ko'paytirish bo'yicha birinchi yarim yillikda amalga oshiriladigan ishlar yuzasidan tuman hokimi B.Baxramovning murojaatnomasi to'g'risida

Bulung'ur tumanida tadbirkorlikni rivojlantirish, qo'shimcha ish o'rinlarini yaratish va budjetga tushumlarni ko'paytirish hamda xalq deputatlari tuman Kengashi reglamentining 3-bandi ijrosini ta'minlash maqsadida O'zbekiston Respublikasi "Mahalliy davlat hokimiyati to'g'risida"gi Qonunining 18- va 24-moddalarini inobatga olib, Xalq deputatlari tuman Kengashi 30-sessiyasi

QAROR QILADI:

1.Tuman hokimi B.Baxramovning "Bulung'ur tumanda tadbirkorlikni rivojlantirish, qo'shimcha ish o'rinlarini yaratish va budjetga tushumlarni ko'paytirish bo'yicha birinchi yarim yillikda amalga oshiriladigan ishlar to'g'risida"gi murojaatnomasi ma'lumot uchun qabul qilinsin.

2.Tuman hokimi B.Baxramovning tumanda tadbirkorlikni rivojlantirish, qo'shimcha ish o'rinlarini yaratish va budjetga tushumlarni ko'paytirish bo'yicha birinchi yarim yillikda amalga oshiriladigan ishlar yuzasidan olib boriladigan sa'y-harakatlari qoniqarli deb hisoblansin.

3.Tumanda tadbirkorlikni rivojlantirish, qo'shimcha ish o'rinlarini yaratish va budjetga tushumlarni ko'paytirish bo'yicha birinchi yarim yillikda ishlarni jadallashtirish maqsadida:

tuman hokimining o'rinbosarlari (D.Xabibullayev, A.Xalikulov)larga:

tuman iqtisodiyot va kambag'allikni qisqatirish bo'limi (F.Shodmonov), tuman investitsiya va tashqi savdo bo'limi (I.O'sarov)lar, tumandagi sektorlar rahbarlari (S.Saidov, B.Jo'raqulov, Sh.Eshmuratov)lar bilan birgalikda:

Bosh vazirning tadbirkorlar murojaatlarini ko'rib chiqish qabulxonasi orqali tadbirkorlardan kelib tushgan murojaatlarni o'z vaqtida, sifatli o'rganilib, ijobiy hal qilinishini nazorat qilib borish;

tumanda 2021-yil birinchi yarim yillikda 30,1 mlrd.so'mlik 18 ta investitsiya loyihalari ishga tushirilishini, ushbu loyihalar ishga tushirilishi natijasida qo'shimcha 140 ta yangi ish o'rinlari yaratish;

sanoat sohasida "Bulung'ur eksport import" MCHJ tomonidan umumiy qiymati 15,5 mlrd.so'm, shundan 8,5 mlrd.so'm bank krediti, 7 mlrd.so'm o'z mablag'lari hisobidan "Yem va yog' mahsulotlarini ishlab chiqarishni tashkil etish" loyihasini amalga oshirish orqali 20 ta yangi ish o'rinlari tashkil etish;

xizmat ko'rsatish sohasida "Sulton Limonlari" MCHJ tomonidan umumiy qiymati 2 mlrd.so'm, shundan 820 mln.so'm bank krediti hisobidan, 1,2 mlrd.so'm o'z mablag'lari hisobidan "Maishiy xizmat kompleksini tashkil etish" loyihasini amalga oshirish orqali 14 ta yangi ish o'rinlari yaratish;

Budjet tushumlari bo'yicha:

2021-yilning 2-choragida kontingent rejasi-20,7 mlrd. so'm. hamda mahalliy budjet rejasi 11,4 mlrd. so'm, qo'shimcha 1,5 mlrd.so'mga yetkazish;

yil yakuni bo'yicha qo'shimcha 10,0 mlrd. so'mga ortig'i bilan bajarishga erishish;

"3 ta daftar"dagi oilalarni qo'llab-quvvatlash maqsadida, 2-3-chorak davomida jamg'armaga yana 2 mlrd.so'm mablag' ajratilishi belgilansin.

4. Xalq deputatlari tuman Kengashi deputatlariga:

tumanda tadbirkorlikni rivojlantirish, qo'shimcha ish o'rinlarini yaratish va budjetga tushumlarni ko'paytirishga doir davlat va hududiy dasturlari xususida hamda ular ijrosining borishi haqida o'z saylov okruglari faollariga muntazam yetkazib borish;

murojaatnomada qayd etilgan dolzarb masalalarni hal etish hamda barcha vazifalarning o'z vaqtida amalga oshirilishi ustidan doimiy monitoring o'rnatishga alohida e'tibor qaratish vazifasi topshirilsin.

5. Ushbu qaror "Bulung'ur hayoti" gazetasida hamda tuman hokimligi rasmiy veb-saytida e'lon qilinsin.

6. Mazkur qaror bajarilishi ustidan nazorat qilishni xalq deputatlari tuman Kengashining doimiy komissiyalari raislari hamda tuman hokimining o'rinbosarlari zimmlariga yuklatilsin.

Kengash raisi

 **B.Baxramov**